



Naka le Nala ba bua ka metsi

Eric Khorombi
Simon Mokoena





Naka le Nala ba dira tirogae. Ba ithuta ka metsi.

“Metsi ga a na mmala le tatso, mme ke motswedithuso wa bothokwa!” ga rialo Nala.



Naka a dumela, “Botshelo jotlhe bo tlhoka metsi. Batho ba dirisa metsi go nwa, apaya, phepafatsa, le go dira temothuo.”

“Le go dira dilo kwa madirelong,” Nala a oketsa.



“Go feta halofo ya mmele e dirilwe ke metsi!
Metsi ga a timole lenyora fela. Mebele ya rona e
a tlhoka gore e dire,” ga rialo Naka.



“Bontsi jwa lefatshe bo khurumeditse ke metsi, mo melapong, dinoka, le mawatle,” ga bua Nala.

Naka a dumela ka tlhogo, “Go feta peditharong ya polanete ya rona ke metsi.”



“Mme bontsi jwa metsi mo lefatsheng ke metsi a a letswai. Selekano se se nnyane ke metsi a a seng letswai, e leng se batho ba se tlhokang,” ga rialo Naka.



“Metsi a a letswai a na le letswai, mme go boima le tlotlhwagodimo go tlosa letswai mo metsing. Mme batho ba ka se nwe metsi a a letswai, ba nwa fela a a seng letswai!” Naka a makala.



“Ee, ke lebaka le re tshwanetseng go tlhokomela metswedi ya rona ya metsi a a seng leswai mo lefatsheng. Ga re a tshwanela go kgotlela melapo le dinoka ka matlakala,” ga rialo Nala.



“A re ithuteng tsamaego ya metsi,” ga bua Naka.

“Ke tirego e ka yone metsi a tihatlogang go tswa mo lefatsheng go ya kwa moweng, le go boela gape kwa tlase,” Nala a tlhalosa.



Nala a tswelela, "Marothodinyana a metsi a tthatlogela kwa looping le go bopa maru. Metsi a a mo marung a wela mo lefatsheng jaaka pula, sefako, kgotsa semathane."



Naka a re, “Ke nyorilwe, ke tlhoka metsinyana!”

Nala a araba, “Ee, boboko jwa gago bo tlhoka metsi go akanya le go ithuta! Metsi ke botshelo, a tshole sentle.”

—Dipotso

1. Ke mang yo o tlhokang metsi a a seng letswai? Ka goreng?
2. Neela mesola e le 5 ya metsi a a seng letswai.
3. Re ka tlhokomela jang metsi a a seng letswai mo lefatsheng?
4. A gantsi metsi a lefatshe ga a letswai kgotsa a letswai? Tlhalosa.
5. Thala setshwantsho sa tsamaego ya metsi. Dirisa mafoko a a tswang mo kang go tlhalosa se se diregang.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Naka le Nala ba bua ka metsi

Author/s: Eric Khorombi

Translator/s: Opelo Thole

Illustrator/s: Simon Mokoena


Assurer/s: Dineo Moatshe

Language: Setswana



© Zenex Foundation - Saide 2023

CC BY includes the following elements:

BY  - Credit must be given to the creator

